

商業

昔太史公謂布衣匹夫之人不害於政不妨百姓取與以時而息財富作貨殖傳敘蜀人卓氏且艷稱曰田池射獵之樂擬於人君甚哉何商業之雄也合川爲蜀膏腴據重關上游又有渠涪嘉陵諸江滙城南北帆檣往來商戰中英雄用武之地當不外此牽車服賈仰慕前賢芳躅安在古今人必不相及然而熙熙而來者羣以利來攘攘而往者羣以利往盛者有時而衰衰者有時而盛造化小兒亦烏足計惟是用器不中度不鬻於市布帛精麤不中數幅廣狹不中量不鬻於市姦色亂正色不鬻於市所奉以爲商業準繩者固自若也至如貪賈三之廉賈五之某市如何某物如何則又纍纍如數家珍所謂留心商業非歟范大夫挾計然七策用於越而得意退而扁舟作湖上遊而家擁數萬合川扼二江之雙流少伯如有作也爲之執鞭所忻

合川縣志卷二十三

商業

慕焉作商業掌錄

錢國寶也當王者貴清初京師設二局鼓鑄一寶泉局一寶源局順治朝每枚銅重一錢康熙朝每枚一錢四分雍正朝改鑄一錢二分以資國用農末之交利貨物之流轉於是乎權衡焉商人遂以衡換銀錢爲一業合自古已開此業其業有二種一州中買賣米穀雜糧一切交易凡賣貨後由錢幫代付貨買賣商必先存銀在舖始能寫賬及寫賬後於次日上燈時關舖門後始能付銀不必皆原銀也或陞水或每定款銀幾釐伊幫有故事存焉此等錢舖多辦斗載並多識上下斗載客商故銀根時常往來此斗載之利也一州中賣買田土房屋並納糧事件凡買業糧戶由錢幫代付田買寫賬付銀亦悉如前至納糧則與知州署承充之糧房經承爲伍多有生理此糧戶之利也至如平時換項換進時短賈數十文或水有不足扣水若干換出時漲價數十文在受者或以微數不計而錢幫則積小高大有餘也自光緒二十八年四川改立銀幣官局鑄造銀圓每圓七錢一分其時銀賈甚低每圓進出以五文爲限近則每圓通以十文爲限錢幫因人之利以利年中賺折視

各舖進出多寡爲衡多則有餘少則僅敷火食所可異者近出軍券紙幣爲商場一大弊政攷光緒二十二年四川總督鹿傳霖因錢翔貴奏請行票每票作錢一千零四十文折銀八錢作九七平其紙取於徽池先飭成華商人舉辦然後推廣外州縣若能流通於國計民生大有裨益然當籌茲巨款聞某官請用僻田楮幣傳霖深恐窒礙滋累未能俯允其存心蓋如邱文莊不肯以黃銀白金化爲謝公箋左伯紙也而後世貿貿然行之以紙作銀然紙幣亦可用也使不自亂其例如各省行使倒票宴如也乃先爲之限曰上糧納稅七成銀元三成紙幣似紙幣已不如銀幣矣又忽而八折十張買作八張下仿此忽而六折忽而三折有奇嗚呼悖哉無怪人之視紙票爲畏途也又出擡票一種當發生時擡票比銀元賈高謂係中央頒定僅有若干商場利其收拾較易爭用之隨後北軍入川率以擡票關餉於是有中央擡票有雲南擡票有四川擡票又謂某某爲交通券種種名目不一或中央不用或交通不用或雲南不用銀圓賈一千八九及二千有奇而紙幣則作賈一千文軍人往來如織每領各處不用之紙幣估向民間使換無問如何舖家

合川縣志卷二十三

商業

二

凶估從事不遂則手執槍筒視百姓如一般匪類城中有局專換軍券尙可言也至於駐防各鄉或經過各地每每率隊滋鬧鄉里樸民時挑雜糧時挑菜蔬入市估換紙票在買雜糧之民僅够票錢不過算遇匪拉劫忍氣吞聲而已可憐挑葱賣蒜惟有含血噴天此患終不可解是以城市街市只有軍人往來無居民入市避紙幣故也紙幣不僅爲錢幫患因係銀錢事業故發之二師駐合後此患乃絕

右錢幫

合州引岸歷銷射洪蓬溪水引商人督銷是爲官店無所謂帮自道光三十年五里紳糧稟請歸丁州中商人各向蓬射兩廠捆鹽至州界大河壩以下卽能售賣州中食鹽利者甚眾始有鹽帮每年約銷巴鹽十餘萬包每包重二百二十餘觔巨商抵岸州中零販及五十四場零販又從而買之以分其利歷有定章經行多年至富廠子鹽運銷通南巴上游等處歷歸各縣鹽商承銷經過州屬例不過問見在破引歸岸附入吾合帮內多一線發達增一番氣象富鹽出渝轉合計銷渠河綏定七屬年約二百餘載每載四百五十包引共九張每包二百二三十觔之譜縣屬鹽帮商人或由重慶辦買或渝商辦買子鹽至縣鹽帮商人

就地接買運上渠縣三匯亦稱利藪惟嫌時勢變遷賈值時漲時跌得意者固多失意者亦不少見在仍復舊例不准子鹽灑賣 右鹽幫縣屬斗載之品買賣概歸行戶合州向有米幫雜糧幫米幫代買黃穀尖米積米除本地出產如州中年歲豐收則米穀由渠河保河運來買客下運酆涪萬夔及下游一帶此其常也或下游滯塞轉銷遂甯泰潼上游亦常有也至州中歲歉則米穀來自綿州下運於合又由涪萬湖湘上運於合則爲不常有之事雖然彼往此來上下相濟可謂天生天化各埠客商寓居此地或買或賣悉由米幫雜糧幫評定賈格黃穀年約六萬餘石賈銀九三八六扣算如九十三兩八錢六分算一百兩也以後某某扣以此類推尖米積米年約十四五萬石賈銀九四四五扣算過載後賣客各向米幫結賬除每石給行戶辛力二分其銀如數在錢舖寫對概用九六色市銀如用票銀每百兩認錢舖四兩二錢爲限此米帮定章也雜糧幫則有黃豆黑豆其貨出渠河保河亦有由重慶運上者由此運銷遂河泰潼等處年約四五萬石賈銀九五五扣算小麥由廣元碧口及渠河三匯等處而銷路則下江申漢年約六七萬石

懶宜急勿緩也今則各縣安有電信風聲最易漏洩銷路稍暢雖欲趕緊當先常不及也故電信一開各屬市賈亦從此均平 右斗載

州地開設籩房買四鄉稻穀推籩又買頭班大黃牛碾極熟以供城市炊爨晨炊後挑米上城隍廟就市賣市甚寬做米上市時幾不能容籩房爲尤眾此吾合所以多籩房而有帮也有具資本超眾而以船戶爲利者泰和鎮買賣十大帮鹽鐵紙炭碗皆自合州運上先年遂河大船三千近亦千餘船常十文有正載有撥船或三船同行或兩船同行無單行者撥船不開火食每日六頓或七頓均在正載食之兩船同行緯夫已百餘人三船行則緯夫又加如許每至合州則籩房買米屠案割肉酢房攪酒謂之喫過站先年每一人過站錢一百文近則二百餘文矣買米必足五日之糧可以喫至大河壩或雙江鎮再買自來船上銀錢看得絕鬆故籩房於此輩取利較多况盤繳甚重時或不足於資船戶又苦向籩房通融籩房亦慨允之其取利尤多也究之行船自有期限某日開船某日可抵某處某日下貨可抵合州卽能一一了銷前賬歷來籩房以此發積爲多不特碎米糠頭可飼猪若干頭或百頭牲畜

合川縣志卷二十三

商業

四

之利尤爲無窮吹糠見米其利溥哉 右籩房

糖之銷場渠江則渠縣三匯綏定嘉陵江則沿口廣元甘肅皆以合州爲轉運地合之糕餅舖亦以糖爲第一義此內江之糖吾合稱大宗也合州向有糖幫買賣白糖水糖桔糖漏水白糖出內江爲多資中亦出白糖陽縣出水糖稅章白糖以二百四五十筋爲一包每筋抽銀圓四星三十年約一百餘萬筋水糖以四百八十筋爲一桶抽銀圓一圓九角二星年約一百萬筋桔糖以二百五十筋爲一包每筋抽銀圓七星五十年約銷二三十萬筋此糖銷路最暢故稅視白糖爲重規則白糖桔糖內江九五扣合地天平過秤銀以九六扣票水糖票銀無扣曩年吾合各鄉各種甘蔗亦多糖房近來出產祇十餘萬筋僅敷本地零用火力不足裝放易化且又性硬色黑方之內江陽縣味美色鮮久而不化者相去遠矣然而世風消漓百物騰漲以水糖論先年每筋二十餘文今已二百文白糖至三百餘文是以各種糖品銷路漸不如前且水路梗塞停辦俱多向時出莊購賣各商由陸挑運自民國六年紛紛如蟻慕羶往來不絕計銷二百餘萬筋之譜利有所獲人爭趨之抑亦時

勢使然耳 右糖幫

油幫隸屬有菜油花油麻油桐油又有菜餅桐餅麻餅及桐灰等物小南門外河邊油市是也查州屬各炭廠窰工每人需油四兩夜又四兩許大廠日夜約費二十勛小廠亦四五勛不等每年不知銷油幾許其餘如紙廠盤廠礬廠皆需油是以合民銷油與他邑比較吾合爲甚本地出產無多來源端資各邑順慶三匯渠縣綏定廣安所出甚夥皆運油至合售銷桐油爲大宗菜油次之麻油又次之若花油則由潼川運合各商艤舟就市出賣各經紀憑時議賈買賣認可通以桶搵桶圓上窄下寬旁有兩鐵環爲耳油滿外溢以布圍桶乘勢傾之桶盛一百零五勛暑天亦有足秤冬天油冷秤有餘也每百勛九七扣銀菜油亦然但桐油每百勛則又九五扣秤照時價合搵畢結帳少則對結多則引向錢舖寫帳買賣均便油帮微分其利多歷年所近日猶有長江每年計銷桐油七千餘元菜油二千餘元麻油五百餘元每元卽每篋二百勛之譜爲油帮生利也至菜餅桐餅麻餅除本地出產有由涪渝運合有由渠河綏定三匯渠廣運合年中約千萬勛惟菜餅占大多數桐餅

稍次麻餅又次秤規九折桐餅八折照時賈合九七扣銀其銷路則指定遂甯一帶涪川北順慶等處所有桐灰由萬運上缸裝者爲缸灰由涪運來篋裝者爲篋灰秤八折照時價合市銀票銀有扣以上各物皆爲農家肥田原料故銷路爲之一寬 右油幫

酒幫酒名甚多吾合以燒酒爲大宗大南中街有茶社酒市也凡遠近燒酒酢房常於此間市價漲落至零沽舖戶則有窖酒啞酒桂花酒福壽酒並畧陽大麴渝城老酒各種香花酒價值高低不一燒酒定規十勛爲瓊瓊三爲桶桶三爲挑挑三爲缸清時每勛三四十文近自桶捐興民國公賣酒棧捐又興按桶抽捐每桶計三百六十勛抽費錢三串六百文年約抽費錢二萬餘串酒賈之高已苦不支本地服食不稍減順慶一帶如廣元等縣歷來運銷縣屬酢房六百餘家銷別處爲販庄銷本地爲零市城內外酒舖雖百有餘家而隨買隨賣每日每家不過四五千文故獲利亦不甚厚也近則每桶月捐五元矣 右酒幫

屠幫以邊房爲大宗屠棹爲零市清代仿明制崇祀孔子及各祀典每年春秋二祭例用牛羊豕三品屠帮承之領銀三十六兩又四川鄉試

每鄉試之年各士子入場例有肉食各縣有帮而州之肉帮繳銀三十
六兩此幫規也盪房派人出往四鄉買回豬隻屠宰發與屠棹零售屠
棹仍歸錢盪房大概情形近是查前清光緒年間肉價每觔七八十文
每月銷豬一千六七百隻或一千四五百隻不等年約二萬隻上下生
意旺獲利豐無稅故也自團練設始抽錢一百文不數年而釐稅起又
抽錢二百文今則稅款以錢易銀增抽銀洋四角解省費一角繳納照
章銀券各半又本地團練加抽錢二百文學務抽錢一百文蠶務抽錢
一百文自治抽錢五十文文武廟春秋祀典抽錢五十文徵收局局費
抽錢五十文警費抽錢十文省票費抽錢十文每隻猪共抽銀洋五角
抽錢五百七十文分言之盪房納銀洋五角屠棹納錢五百七十文當
此世界開通釐稅愈增銷場愈廣肉價每觔起至一百七十餘文然銷
路雖寬而獲利較前不及也若論區域先年未分南津街東渡口涼廳
子思居舖等處約在本城範圍以內每年約銷豬二萬支近日除四鄉
區域不計外城內每年約銷豬二萬六七千隻共計約抽銀洋一萬三
四千元抽錢一萬四五千串 右屠幫

京果幫供城鄉宴會年節食品也清初開設吾合僅二十餘家然習於
儉素宴會正席祇一千文洋菜魷魚魚肚而已海參且不聞何論魚翅
各舖在渝購賣渝城行店深知合州能銷低貨成本故輕故合州食品
凡各處遠來者皆以合州爲便易此幫買賤賣賤良有以也近二十年
中人人爭尙體面宴會席棹海參以爲常事且每席二千文矣有用魚
翅則三千文矣近且每席二元且三元四元矣城市喜酒生酒常數十
席由是鄉居漸而學步雖不如城市之二元三元亦在二千以上且動
輒百十席連綿數日購賣食品遂日多一日此幫營業增多至七十餘
家海味騰貴之原一由來路甚遠沿途關稅日有增加盤繳人工又視
昔日增加十倍四川銀賈太貴處處以銀計之是以海味日漲也一由
近時奢風太甚不特吾合爲然各屬皆同此奢侈居爲奇貨是以海味
不復減也今只有一法大家安於儉素守庶民日用之經凡諸大小宴
會孔子曰禮與其奢也寧儉喪與其易也寧戚如是則入市辦賣食品
除魷魚木魚折皮海帶胡椒洋菜通有定價此外如價昂貴置之無
問京果行亦免多占資本不亦彼此兩便哉 右京果

山貨藥材行幫行業以山貨藥材爲最前清時必先請帖咨部立案遵照定章開買如未請帖者必租歇業之帖每家每年認帖租銀三四十兩不等請帖後豫佃房屋寬敞可容各山貨藥材或新修房宇此行幫所以開張最不易也開張之後各商自向某行投止行戶代上稅釐卽將某貨起店過秤囤放載簿供商服食一切至賣貨時結銷歷有行規甚便民國以來添設榮森復順謙泰福元協昌五行除光裕謙復忠信昌裕四行歇業外現有協昌復順人和福元榮森致和謙泰裕昌係兩家牌名同八行開買凡藥材山貨由各處運來均歸行代售不獨遠商爲然卽本地擇藥京果各舖亦如是焉行規凡售山貨以銀爲價格藥材以錢爲價格收入用銀每年照市價公議銀價一次前清十六串錢合銀十兩外以九五扣期九八扣水九六扣票行秤天平秤以十六兩爲一筋土貨秤以二十兩爲一筋桃秤以二十兩零八錢爲一筋行用無論藥材山貨及各種貨物概以九七扣用西藥由陝甘運來如甘草麻黃當歸黃芩黃芪大黃等物以土貨秤九四叫秤另扣八折年可出銀十萬廣藥由長江運來如貢朮砂仁安桂桂枝北辛廣皮等以天平

秤九四叫秤外無扣可出銀四萬淮藥由河南運來如光條棗仁地黃知母連翹棗皮等以天平秤九四叫秤另扣加一可出銀四萬雲南藥如查肉雲風草果雲苓山甲金釵以天平秤九四叫秤另扣加一或八折可三萬本省山藥如羌活赤芍豬苓木香升麻稿本等以土貨秤九四叫秤另扣八折可三萬又如貝母天雄菊花白芷丹參麥冬等秤規照上惟天雄無扣可四萬又如只壳青皮荆芥粉葛藿香梔子等皆土藥以天平秤九四叫秤另扣六四折可三萬山貨木耳由廣元磊壩綏定巴州等處運來秤規以天平八八叫秤另扣八折銀照行規扣算行銷下江吳菜由渠縣運來照木耳秤規另扣七折行銷吾省西南各處棊子由綏定運來以天平秤九五叫秤另扣八折銀無扣行銷本地三種年可出銀二十餘萬兩近來減去五分之三至白蜡由磊壩運來以天平秤九七叫秤另扣九七此外無扣支元由瀘州運來以天平秤九五叫秤別無折扣苡仁由南川運來以天平秤規另扣六四折銀無扣土瓜子由潼南運來以天平秤規另以七折餘無扣此物近來出產增加十倍行銷吾川東南各處毛貨以捆數計之每捆五十件桃餅秤用

桃秤另扣加二與加三先年可出銀二萬現時祇十分之一其不及前遠矣行業吾合清時共七行每年能做銀五十萬兩民國以來新添五行每年通做銀二十萬兩說者曰釐稅前分三等納之廂子貨爲上藥每廂納錢一百文貨有皮廂者爲中藥每包納錢七十文無皮者爲下藥每件納錢五十文逮統捐成立稅較前增加十倍此行貨之日稀者一也各貨銷路盛時上銷渠保遂河中銷瀘州下銷渝涪萬縣地方或常有長莊商號約銷五分之三本地擇藥京果藥舖亦能銷五分之二邇來外莊收買甚夥此行貨之日稀者二也吾合商業其能起灰復然也哉 右山貨藥材行幫

擇藥幫整件而選去灰渣零售者謂之擇藥外面舖口極堂皇內立擇藥室粗工學徒日以擇藥篩藥爲事藥名繁而難數幫規以錢爲價格錢有紅錢市錢之分紅錢卽市面上錢市錢則照行幫所議之銀價合銀如現在以錢三十串合銀十兩是也前以九六扣票今則無扣秤規以十六兩爲一劬若論購貨皆在本城各行購買物品土藥居多而廣藥准藥洋藥則又赴渝購之其規約照各售貨處作議近或派人出外

採買者辦回之貨整賣零賣均可不獨本地咀片舖通銷卽各處咀片舖亦售銷不少查此帮在前清咸同閒通幫祇十一二家每年約可售銀二十餘萬兩而操其奇贏得以致富者不乏其人久之趨向益多率以此爲利藪舖戶遂愈增愈夥至今日已有三十餘家惟銷路不行生意反減每年約售銀僅十萬上下識時者不待辨而自明矣 右擇

藥幫

咀片幫吾合咀片舖清時三十餘家今則百有餘家蓋以生活程度漸高而營業者自日廣也咀片二字名義非無所取古稱修藥曰咀卽炮製分配截片謂爲咀片誠然但所購之貨不出擇藥各幫藥名甚蕃大概分生藥熟藥二種未炮製爲生藥已炮製爲熟藥其藥有照分量稱者有隨手抓入者前表藥一劑不過算錢二三十文近忽增至三五倍上等藥品可以類推至膏丹丸散各藥獨立者少而附入咀片舖居多每家每日約售錢四五串七八串病盛時或十餘串不等惟咸同閒杜協泰王福山之肥兒糕神糲兩種遠近馳名購買爭先獲利甚鉅邇來各舖仿造雖多皆不及焉故錄之以爲後之紀念品 右咀片幫

菸幫菸爲大宗本地所產者曰索菸曰捆菸由邛崇運合者曰大菸以此二種製成白絲菸絲菸舖本城最多逐日零售獲利不豐或四鄉零販就舖分賣絡繹不絕菸舖有推菸工匠舖能安置二人三人推菸已分利可以自給次則安置一人亦可以養家菸舖定規先年零市五文錢一小包條絲六文販莊每封重七兩餘通城皆守此幫規近則小包議八文條絲議十文矣向來菸幫有擁巨資商賈常以五月六月出裝親到邛縣崇寧採買大菸年約七八萬捆買齊僱舟陸續運下自成都開行每捆成都納釐錢一百二十文嘉定納銀一錢四分四釐瀘州納錢二百四十四文重慶相國寺納錢一百二十文巴縣老釐銀八分轉江至合以供零消至光緒二十餘年連加數次成都加錢二百七十六文嘉定加銀四錢一分六釐瀘州加錢四百零八文相國寺加錢二百七十六文老釐未加而吾合釐金始納錢八十文繼加錢二百一十八文業此者踴躍爭先購回之貨頗爲暢銷年約十分之四而販賣渠縣三匯一帶地方爲不少也民國初釐改統捐產地每捆徵錢八百文餘則不徵四年公賣棧成立每捆徵銀二兩五年九月改銀洋二元四角故所銷大菸不過五六千捆之多近日銀價高昂生意低落運來之菸除捐款及水力等費外去本太多縱遇價高利亦難獲菸幫少出莊蓋時勢使然也 右菸幫

茶爲食品大宗歷朝有稅清時茶業甚微四川嘉定雅州夾江洪雅各地出產均多吾合所銷之茶除雲南普茶外惟南川茶成莊有白毫白茶二種白毫之細者爲香片粗者爲毛尖名目雖繁大概以粗細爲定而白茶無異名每包一百六十觔價五兩上下年銷二千餘包至白毫每包一百二十五觔價二十兩左右年約銷二千餘包香片毛尖零售在內以上各茶售銷本地及遂寧順慶等處業此者祇七八家每年約售銀六萬餘兩此吾州清時茶有幫也自官茶店成立縣另設茶商以生其利分店四家均照章程在官店領貨售銷價規亦照官店章程分而利之查官店壓金認銀千兩每年運銷茶觔每包認稅銀一兩以作解款詳征權掌錄 右茶幫

炭爲合州出產大宗如小沔溪之寶頂炭涓子溪之頂大連其最著也下而乾洞子黃葛樹二巖上而梨子衛皆廣產常有十丈大船三三兩

兩緯夫百餘人日上日下每行州岸必羈留三日始能開船裝運洋溪鎮泰和鎮煎熬鹽劬配銷巴縣江北涪州南川四岸指定地方年中交易可百萬金而炭幫不與焉炭幫則城中炊爨賴之烤酒燉糖絲房火草酢房賴之凡附城上游地方悉賴之先年請示立斗禹王宮有會館驛門外有市而幫以立商人由峽裝炭至此發賣有燒炭有鐵炭或囤舖內或散堆河岸或食館或燒戶買炭若何挑每挑三斗斗刻禹王宮官斗穩如常至夏秋之際渠河水漲運出之渠河炭艤岸發賣則由炭販代賣另有斗較大憑時憑市作價亦無欺哄微分其利亦所謂酬報金也至如東里挑夫在陳廠及各廠挑大炭在司空堤上發賣炭幫例不過問 右炭幫

商界中有利益而無損失者莫鍋鐵若鍋鐵者誠吾合一大銷場也又一大利藪也查昔年祇六七家熟鐵則有毛鐵板鐵方鐵條鐵三開五開及廚閒應用鐵器生鐵則有大小飯鍋熬鍋耳鍋鼎鍋火盆熨斗等物歷在東鄉太平達縣購買運至合州復由合州運遂泰潼綿順慶保寧等地無富無貧凡有竈卽有鍋有鍋皆自合州來也至木工石工土

工農工凡百工用鐵爲器者皆賴之州中亦無零市未成器者無論何人不能買買者有罰幫規固自嚴也幫中十餘家先年惟彭益美獨在三滙造廠開鑄實生其利餘則多向彭廠分買分利後有許姓施姓各擁多資近則買廠尤多而以楊同興爲獨久次則蘇德盛州人無做鋼箱者楊同興實創其始又綦江鐵廠專造大斗小斗兩種飯鍋光緒中年同興在綦江聘該處匠人至三滙造大小斗鍋模開鑄至今三滙遵守綦江歇業不爲害此二種鍋尤合人口減少之貧素家用滙廠改鑄比綦廠耐久實爲貧素家造一種福也民國以來製炮造鎗在在需鐵加之吾蜀人滿烟火稠密用途愈廣銷路益寬鐵幫增至二十餘家無一家不獲厚利若論貨物售賈則又較前過三四倍也而鋼廠綿延數十年之久多緇條堆積不賣近以造礮需鋼爲之一空利尤厚八年同興又在縣學士山新添鋼廠鍊之以爲留心商業者勸 右鍋鐵幫 綢緞幫貨品有洋廣蘇杭有成都川北嘉定洋廣蘇杭在重慶購買例有期賬扣期扣見各有定規比賣比買其利甚微成都則有先生坐號上貨辦絲趕簇橋絲市及各機房組織一切綢緞隨收甯綢各緞爲下

貨最有利餘則川北嘉定貴州有莊客來合坐賣蘇杭如貢緞成都如線縐巴緞等昔銷甚夥湖縐甯綢等今銷亦多又新出蜀華緞珍珠緞錦霓緞芙蓉緞文明緞等頗能暢銷也川北如清水大綢裡綢明機裡綢絲帕等近暢銷嘉定如湖縐大綢裡綢近亦暢銷尺規買貨洋貨蘇杭概屬疋頭不計外本省川北嘉定概用機尺謂九折也至賣貨尺規昔用公議火印九五尺今用商會所定九八尺縣中銷路除本城各鄉用戶外武銅永壁安岳成都洎遂渠三匯廣岳綏順各場皆銷前清咸同閒業此者四十餘家年約售銀六七萬兩逮光緒初年生意漸暢舖添至八十餘家年約售銀二十餘萬兩清末世界開通人民奢侈用途愈寬銷市益廣兼以各處所出貨物花樣翻新人爭趨購年約售銀四十萬兩 右綢緞幫

雜貨幫吾合蘇廣洋雜貨幫前清咸同閒名爲料雜貨舖採辦山東料周村料圈子菸嘴子各種器物不下數十花色卽或有他貨不過雲南洋皮金蘇州金線廣東銅鎖等物而已質此者祇七八家迨光緒初進口之貨僅有品紅品綠品黃三色其餘無別貨來光緒十年外洋煙入

境甚夥煙器極爲發達而各種洋貨亦不少舖戶遂增至三十餘家清末禁種罌粟煙器銷滅殆盡乃出別種洋貨舖戶又增至六七十家其貨品日新月盛更精良花色千餘種而以各種顏色爲大宗每筒售銀二錢餘或四五錢七八錢不等甲寅乙卯間價忽增至三十餘倍可謂奇也且不特顏色爲然卽以各種洋貨論價亦增至一二倍年約售銀十餘萬兩之譜近日顏色雖缺而生意暢旺如前至渝購貨行規均以九四扣票銀運回合地售出票銀直上綜計此幫時而山東時而廣貨時而洋貨時而烟器顏料精益求精世代隱爲之轉移而昔日之貨已如秋扇之捐也務工業者可不畏哉 右雜貨幫

絲幫合州絲幫歷嘉道咸同只有花線衣線綾子機房花線爲繡花用衣線爲縫紉用州中線幫爲附近各屬之冠隣封雜貨必來購買故開貿較多然只用火絲綾子機房閒用水絲究亦不多故此幫雖有如無至光緒年閒壁邑有甯綢之發達州人喁喁向風各處漸有甯綢機房用絲漸多此幫仍未發達自光緒二十七年合州蠶桑公社成立大河壩始行改良因是學於東洋者有人學於江浙者有人學於成都者亦

有人紛紛然有志奮興後塵可步逮三十四年成立經緯絲廠宣統三年成立惠工絲廠民國五年成立蜀華裕華兩絲廠次年又成立利合福祿製絲兩廠并益農蠶社其他如農業學校蠶務局等皆于實業大有一關係此學術研究也今就每年各絲產額銷路情形分條言之揚返絲全縣產額約五十餘箱每箱重一千六百八十兩織度至十二至十四得里魯價約洋一千二百餘元計共約售洋六十餘萬元我縣改良揚返細絲係民國五年創辦直纜絲全縣產額約五十餘箱每箱重量如前織度十四至十五得里魯約洋九百餘元計共約售洋五十餘萬元搖經絲卽俗謂復纜是也全縣產額約五百餘箱每箱重量同前不限織度祇在粗細勻淨約售洋八百餘元上下計共約售洋四十餘萬元土絲分普通銷售與出口銷售普通銷售此謂土絲卽銷本縣渝城成都等處機織家是也年約三百餘箱每箱約售洋四百餘元計共售洋十餘萬元出口銷者稱過盆又名原裝卽將土絲另行捻造括造荷造而輸于上海是也年餘五百餘箱每箱約售洋五百餘元計共約售洋二十餘萬元 右絲幫

食之外惟衣王者有天下首重農桑蓋人生急務惟衣惟食終歲不制衣則寒猶之一日不再食則饑也三代以上無所謂棉孟子布縷之征所謂布者亦麻葛總名而棉無之自唐時棉種始入中國於是蜀錦吳綾分而屬之而棉始以布稱男耕女織不通功易事則農有餘粟女有餘布不可也吾合三江總匯萬商雲集向來不以布重非如廣安岳池以凍綠紅花馳名秦鎮潼川以石青馳名所有白布藍布亦僅足本地服用而已城中除各邑顏色布疋有店餘無開舖賣布者此幫惟上街布捆出銷零市一流城中火神廟線子市也大南街茶社布市也各機房向花舖買棉花或二百筋整包或數十筋零花既歸彈匠彈絨成條每晨挑花至市左花土語謂換日左貧家婦女左花每筋補手工二兩幾錢左完自爲織以四丈四尺爲疋織成或染或白色不染由各零販購買零賣抑或自負大南街發賣零販各零販出售均係公議銅尺今時亦遵用商會所訂九八尺自洋紗盛行各機房均以洋紗爲便閒有用本地紡紗者每筋補手工四兩而紡線婦女亦漸而稀蓋工藝發達凡百工皆貴極城中婦女各尋相當執業而以紡紗爲不濟事也惟附城鄉居

者或時有之抑自洋紗盛行城中組織布廠添設布舖此幫遂日增隆盛而衣被萬家矣 右布幫

花紗幫棉花有二種由遂甯運合曰土花由下江運合曰廣花合州歷有花幫爲四路織衣計也並銷渠縣三匯廣安岳池等處合計每年約銷一萬包上下價值每百觔不過二十兩銀之譜後因洋紗入口遂將棉花銷路抵塞近年來棉花僅能銷三千餘包價值愈售愈昂每百觔直售到銀四十餘兩而外國反紗每包亦售到銀七十餘兩本地每年所銷不及百包幸有鄂省官紗廠泊滬廠造出各種反細反粗順細順粗之紗頗適本地之用而銷路愈廣來源愈多年約銷三四千包每包刻已售到銀二百零幾兩矣試詳言於下花有包花舖條花舖蔓包售與遠近小販者爲包花舖泡花土語謂彈絨而泡之花搓條零銷爲條花舖花分二種廣花出下江色白而潔土花出遂河色微黃而性溫出產雖多然下運者少有紗帮有販莊零市之分由下江購回分售各縣各鄉及本地各處爲販莊由本地分貨則爲零市本地所銷官紗自鄂運來有順細順粗二種滬紗則有順粗順細反細反粗四種而本地所最銷者反

合川縣志卷二十三 商業

三

細也亦有西紗東紗均外國運來祇有反紗極細之貨爲本地常銷品今時花紗貴極成本較多業此者非有巨資不可也 右花紗幫

紙帮崇祀蔡倫以紙爲大宗凡書柬賬簿刷印表糊包裹揭表悉資之紙有出本地者有銅梁天池梁山渠縣重慶夾江者有出貴州湖北安徽廣東者有出上海外洋德國者每年可六萬銀之譜縣中資本富饒咸在重慶購買洋紙蘇紙下江紙如萬字錦洋連史到鈴紙宣紙連式銅金魚堂冒皮官條各色花紙貢川顏色餘則元邊鈎邊卷連對方本地五尺硃箋羅紋二則大牋水紙毛邊大京川金表各種紅紙大小黃榜就地購買至溫一新一家則多年會辦白紙廠其元邊尤爲火柴公司宜用行銷陝甘其有資本不濟各紙店接買紙張爲門市生理又爲顏料銀硃黃丹洋藍天青元粉各色又有佛金漆工繪塑最爲繁瑣紙爲天下最有利益生理故曰一紙 右紙幫

當幫凡屬當商必請有帖者始能開設前清時吾合祇兩家定規利息三分冬腊兩月二分以三十日期爲滿每年當價約錢十萬串外小當一家又係軍犯私開藉此以爲生活每年當價約錢三千串利規與大

當同但以八月期爲滿旋改爲公質店現有四家遵照財政廳章程認納營業費以十八月期爲滿利規仍與大當同綜計當價年約錢十三四萬串 右當幫

衣幫吾合衣幫始于前清乾隆初至嘉慶間僅數家耳咸同以來藍逆擾亂平定後而河街衣舖悉遷城內日中貿易時暇代工古風存焉迨光緒初生意暢旺舖戶增多至今已三十餘家本微者收買零貨隨日銷售資鉅者派人出買貨物上至潼南渠廣岳順等處下至墊梁一帶地方凡大小出當之物咸爲收買而本城典衣照規交易綢類三成布類七成除市面售銷外仍束捆運至渠保遂三河上游洎渝涪下游各地方發售或另購貨運回上下相通往來不絕固商人習慣使然而亦變通之道也查昔年此幫綜計售錢約四萬餘串今則約售錢萬餘串銷路雖寬而獲利之豐較前遠遜 右衣幫

盜器幫吾合買賣無論坐賈行商皆有同業獨瓷器爲一家貨人不買焉斯已矣有買者來必視貨爲居奇而不肯賤售于是高其價以售之情也亦勢也然酌其情以爲交易而交易無不公平順其勢以爲行銷

而行銷無不暢旺查全泰公號買者獨夥者眾同心協力鏖戰經數十年間卒操勝券獲鉅資宜也非倖也論者貨品出江西景德鎮在此購物美價廉如上色白玉茶碗全套價不過錢一串若在省購價增十倍有餘蓋取其能加繪工書款名美術之妙不亞歐洲嗜而購之價值高低不計也此種盜品中外暢銷而吾合所銷之貨取中色不取上品故運來盜器精細者少粗劣者多與其精細而銷場窄不若粗劣而銷路寬者亦酌情交易順勢行銷之道也按前約售銀五萬餘兩今下夥人多牌名改爲乾泰公值此路梗稅增價高銷滯每年約售銀僅萬餘兩至本地瓷器出東里葉家山李家山龍潭槽鴨兒蕩等處運銷保遂兩河洎本地用戶每年約售銀五千餘兩人咸稱爲土盜器不得與廣盜器混也 右盜器幫

木幫吾合歷有年矣清康熙時業此者不過數家產地由通南巴運下有生料如柏如杉如松其料渾全可以爲梁爲柱孰料則爲板爲坊爲桷爲壽木上行小河遂寧潼南及安居下行渝城江北等處皆能銷之規則昔時九七色銀又扣九六歷有定規凡料或木筏至岸悉抵三

佛灘一帶河岸停泊或遇水漲泛溢順流直下無論何處撿拾皆有定章由朝奉各按火印照章認取幫規至嚴也先年由通江南江巴州木商運筏下至合州交木幫代賣賣後收銀齊始與木商結帳極疲緩後則州之商人至出產處採買或指筏購賣每筏若干先交定銀十分之一仍由該處木商僱人運下至時料快則倒市銀歸疲則猶有待此今昔之不同也民國以來各關加稅今日交易概係十足生意更有發達北門堤外木廠林立筏料塞滿河干難供各處使用故料價愈高利息益厚而趨向尤多人僱木商爲巨賈計全年售貨款項不下十餘萬金方之康乾時代超然遠矣 右木幫

書坊以家擁巨資稍習文墨爲上時親文士墨客深知本省府廳州縣先年所刻何書何籍近時所刻何書何籍某籍爲前人擬刻不果某籍近人欲刻其書可買錢若干可流傳若何年程於是聯和同幫公議大成會開鐫或自刻爲子孫衣食計其次須多招工入印刷裝訂或賃板刷印各路左樹家多藏書方不窘急州中地處偏隅又與重慶毗連重慶書賈甚多且富足年中府試院試遠商赴考畢至買書賣書極爲繁

合川縣志卷二十三

商業

五

盛合州無是也舊時王文誠劉文藝開辦多年所刻各書皆有用經年印訂裝載各路左樹天下書籍爲附近各縣各場之用亦云備矣州中蔚姓所刻但批馮批聊齋套板東周列國套板雅俗共賞永爲家書子孫受用獨惜州人於州所刻晴雲山房荀文煥全集問濱詩草點紅萬綠山房味醇軒詩集硯石齋金沙詩草各集不知抱殘守缺或於其子孫手中售賣以爲一州之業版權喪失爲可悲也然而當時之幫雖少通人而零星小販日集於門凡天文地理醫書應酬及歷朝掌錄未始不備每一入市無不充棟不幸同治庚午連年水災板權悉付洪波巨浪所存斷簡殘篇又復無力訂補自清末改試策論以前文藝概束高閣隨停科場開辦學堂書籍概由當代編纂今之書坊蓋已不可問矣然而聖賢之道豈終已哉此幫本不足錄今姑錄之 右書坊

牛羊皮幫此幫歷嘉道咸同以及光緒初年無所謂幫自十年後外洋入中國者始有收買白鷺絲毛漸以鴨毛豬毛及牛羊皮以中國不甚值價之物驟與重資價莫與京於是各州縣皆有分店而幫以成合川牛皮幫亦創於清末時也縣屬出產除黃牛水牛皮二千擔外尙有羊

皮三四千擔并豬毛一二百擔牛皮秤規以天平九五扣銀票銀無扣羊皮秤規以九七八折扣算豬毛秤規以天平九七扣算票銀同上觀此則本地出產可知若由遂保渠三河運來牛皮不下萬擔羊皮亦六七千擔牛皮價以目前論二十二兩約值銀二十二萬兩羊皮以現在一百兩論約值銀六七千兩至于豬毛以貨色高低品評價格或減或增不能一定售銷渝城泊長江一帶近年來以此稱鉅商獲厚利指不勝屈惟價值起落非比尋常如風雲變態不可測量有因此而致富者有因此而歇業者其盛衰可想見矣語云長袖善舞多財善賈三復斯言蓋非有鉅資者不敢參入此幫 右牛羊皮幫

吾合萬商雲集居停主人開設旅店往來客子一傳舍也然地屬三江總匯非驛非塘而又歷爲繁盛遠商各自立號山貨藥材另有行店寓居閒有一二坐客以店爲家勢必擇房居住門首懸挂立牌以作內號標準不過數家爲棧主者必不能另築廣廈也又有倡官棧之說安寓大小官員此地不通省會大道車馬尤稀蹇然足音亦不能懸榻以待故官棧亦往往安寓行旅至若熙來攘往經宿卽去或詞訟羈留買賣

合川縣志卷二十三

商業

末

收付覓人候信向晚投宿則有安寓客商一種辦法向來州屬布棉甚賤所有被蓋處處溫軟城中無蚊厯不需帳每房有燈自晚至睡無咨嗟暗室者呼應有老么竈上司烹調堂上司買辦早菜午菜夜菜厯問各房買菜貴賤食品隨所欲櫃上賣飯以碗計每碗似較食館稍貴然而菜較省簡食畢堂上報賬某房某某幾人幾碗櫃上一一註明結賬之時無訛不在棧開飯不强每夜號錢每被一床三十二文單號十六文與宿單號者合宿頓飯連號錢一百二十文每人被二床州中遇文武考場進場之日各童均頓飯餘則如常或差事過境有女眷同行皆頓飯至交通街鼓樓街則安寓妓寮有頓飯然易生非近時頓飯加至二百四十文號錢十六加至六十文城外亦加獲利卒未見豐見在棧房祇五十餘家本年約計所出之錢祇一萬餘千 右棧房幫

館幫庖人授食館人授餐凡通都大邑政令所必及也吾合水陸畢會商賈雲屯雖曰市脯屠沽不入大雅之目然而過客登樓到處爲家未有一日不飲食者縣屬舊有食館高署會仙集仙等名座高敞買酒買菜一日三堂酒則大麴糟燒窖酒老酒紹酒香花白燒等類菜則雞魚

羊豕有江團魚縣屬絕品菜每碗百文或二百有奇酒不一格館中常酒窖酒四十文一壺晨賣西麪一碗十有八文銀鈍則十有二午堂賣菜惟不賣西麪有二分麪雞肉火肉各二片約二兩每碗二十四文晚堂如之至十月有羊肉麪三十六文麻油花椒荊荑火葱日食一碗大有黍谷回春之樂又包定席棹冠婚喪祭必任之壽酒承賣麪牌若干用紅紙封固每人二牌貨客盈門介眉畢主人捧盤盛麪牌客拾以去甚便也次則飯館碗菜亦如麪館而以百文爲止有八十六十四各小盤餐以蒸籠爲定例賈二十文鮮肉一方火力最厚餘則有便菜小館專賣豆花各有名每日大館常三四十小館六七千上下城內外百餘家此幫先年立會已百餘年近日風氣開通玉壺春倡興餐館兼賣乾貨有海參魚肚又賣成都燒鴨舖面堂皇每日賣錢一百餘千此舖一興各街歲有增益一日之食費盡中人之產嗚呼口腹之害亦危矣哉 右館幫

右計三十幫溯吾合自吳三桂亂定後始入版圖大小各幫逐年逮增舊於縣城總神廟設會歷有會規無大無小一也光緒二十七年舉行

合川縣志卷二十三

商業

七

新政特立商部力求整頓此成都商會所由創興也縣屬亦於三十二年創興商會知州桂良材據白人和等以仿立分會轉詳川東商會總局准設立商務分會初借禹王宮後設蘇家街修造房宇極爲堂皇大爲商會增色時有藥材行幫綢緞鐵貨糖幫菸幫酒幫大箋紙花紗京果絲綿斗載銀錢油幫鹽炭山藥賣幫計共十六幫至宣統二年經農工商部立案給劄并篆發圖記壹紙文曰四川合州商務分會圖記由知州楊體仁送總理自治安執收照刊啟用設總理一員會董八員各幫設立幫董擬試辦章程十五條嗣由憲局指駁更正合州商會章程十三條一明宗旨二設執事三定會期四籌經費五明限制六除騙害七杜船害八防陰害九明東夥十昭誠信十一禁濫市十二精製造十三詳攷核四月訂商務分會公理商事簡章八條一凡華商有轉轄事件有憑眾公理之責二議舉職員值年董事八人如遇商事赴訴由總理邀集理處三理事區域以合州全境爲限所理之事以純粹商事爲限四處事之法概用和平主義并以本事之證據及地方之習慣爲剖決依據五凡赴會投理者先取陳請書一份取錢一百文敘明事由逕

交本會如不悖本章程第三條之規定准予答復受理受理之後即定期邀集兩造赴會憑眾公斷原該繳錢三百文被該繳錢六百文此外不索分文六處理之事一經理決即于第二日宣布評議之詞脫糾葛甚夥非一次所能了結者可訂期再議原被訴自初理以後每次只繳赴訴經費三分之一貧者悉免不折服者准赴地方官衙門呈控其他地方官發下之案本會仍憑眾公理兩造不得違抗每月仍彙報一次七本會理事先詢原訴次詢被訴再詢干證然均有法定資格臨理之時不得喧囂待辯護事畢即聽總理及會董之裁決如以為可便各書允否則按照第六條辦理八本會應用一切表式等件悉照總會式樣刊定以歸一律經知州楊體仁批准立案并遵照推選值年會董八人復舉會董二十人各幫幫董二十二二人則有綢緞幫花紗幫藥幫菸幫糖幫京果幫銀錢幫鹽炭幫紙幫酒幫衣幫木幫織造幫絲線幫山藥幫綾幫屠幫鐵幫油幫篋房幫牛羊皮幫計共二十二幫會款裕昌通當本銀五百二十七兩五錢五分全年息銀六十兩正新興當本銀一百五十兩全年息錢四十五千文菸幫經紀全年幫辛力錢十餘千文

豬市全年號票約錢三十餘千文炭窰全年租錢約錢一百二十餘千文土藥幫全年認斗秤約錢六七千文糖幫經紀全年辛力餘貲除繳學費外約錢五六千文民國二年章知事任內因組織商團體育會總理劉肇康將裕通當底金全數提用復因熊楊之變分會大受損失呈請實業司頒發圖式擬刻木質一顆文曰合川縣商務分會暫用之圖記三年一月奉實業司令發下圖記式樣一紙文曰合川縣商務分會之圖記總理左鳴鶴照刊啟用將暫用圖記憑眾毀銷總理左鳴鶴呈請生熟等銅均在商會官爐鎔化銅稱每觔取錢八文作為商會公斷處經費縣公署批准立案九月選舉公斷處職員選舉處長一人評議員九人調查員二人四年奉川省巡按使公署飭發縣商會樣章參酌習慣擬定章程二十七條并照商會法施行細則第六條之規定刊章一顆文曰合川縣商會之章五年遵照部頒修正商會法及施行細則更正簡章九條并繳農商部請領鈐記公費銀十五元商會職員會長一人副會長一人會董二十人特別會董四人農商部頒發改良生絲節畧一册因歷次代換軍票以券易銀虧折銀壹千餘兩呈請縣

署轉詳省長商會暫行解散六年一月奉四川省長批商會職務并無代地方行政官掉換銀錢之前此虧折銀兩自應由縣內籌款彌補何得輕議解散仰即照舊辦理卽于是年二月開會六年奉農商部頒發鈐記一顆文曰四川合川縣商會之鈐記會長左鳴鶴啟用自農商部給有鈐印會長與地方知事平行居然官矣其下有二十人爲分董各有調查任用遂無限制儼如公衙其公斷鄉人嘖嘖稱劉源昌事劉源昌棧房爲業擁鉅資著其徒某辦廣載下滬擁貨開船後源昌卽逝在家嗣後某回空手見大師母劉妻投商會公斷時以無出僅幫喪費劉妻不服控縣公斷如是再控重慶審判請律師於是各請律師地方高等如木決流自爲東西直至大理院仍如公斷商會公斷儘有價值雖然公斷憑分董也憑調查也當其采擇仍據一人之口公歟私歟且君子小人真小人僞君子猶不易辨其言果是公斷不居功其言如非公斷實受過不如集聚幫中眾人公議會長就其言之是者從公斷之仍如先年總神廟會故事庶乎少恃公斷爲上訴根據 右商會
有志者曰多錢善賈故商業以錢幫始次列鹽幫國稅所關次斗載重

米食也米不籟揉不成籩房次之食之盛者動曰煙火萬家油幫又次之由是有酒沽酒市脯酒幫屠幫次之每食四簋京果次之病從口入山貨藥材擇藥咀片悉以彘從菸草亦入本草藥後有菸幫有菸必有茶茶之魚眼蟹眼炭爲炊也炊者必以釜爨有鍋鐵焉然而謀食猶必謀衣綢緞雜貨絲布花紗其選也紗薄於紙是曰紙幫人情似紙薄典去春衣如資物破損悉推而置之當幫衣幫資幫是也木強自好不曰詩書誤我此不可皮相論也木幫書籍牛羊皮幫次焉高臥羲皇言飽乎德棧幫館幫次焉經以商會所以誌商會之榮世俗之移易如此

